



Il spurtegl dalla posta nova a Glion el niev Center Marcau ei semtgaus damaun marvegl.

FOTO A. BEELI

Glion e sia posta nova

■ (anr/abc) La historia digl uffeci postal a Glion survegn in capetel niev: Gievgia arva la filiala el center Marcau. La historia digl uffeci postal a Glion ei raquintada cuort e spert: Igl emprem uffeci postal fuvu ella casa Sil Plaz – oz Via Centrala. La casa dalla posta, situada denter igl anteriur hotel Oberalp e la baselgia catolica, ei stada tochen 1965 in liug impurtont da Glion. Leu seferman las carotschas da cavals e da leu anora distribuivan ils pots pacs e brevs. Igl uffeci postal en vitgs e marcaus confidava La Posta a famiglias da renum local. A Glion fuvu la famiglia Casutt da Falera ina tala. In Plasch Casutt da Falera ei s'etabliu a Glion entuorn ils 1890. Durent decennis ha quella famiglia giu igl uffeci postal. Per far pagaments ed autras fatschentas mav'ins sil plaz sper la baselgia catolica.

Dapi varga 50 onns ein ils spurtegl silla piazza dalla staziun. Fertun ch'el survetsch dils portabrevs ei dislocaus ella zona d'industria a Schluein restan quels leu. Sco quei che La Posta Svizra com-

munichescha arva il biro niev gievgia proxima la filiala nova el Center Marcau. Suenter ch'els survetschs postals ein stai dus onns en in pavigliun provisoric dislocheschan els puspei silla piazza dalla posta. Oz mesjamna ei il biro alla Via dil Glogn serraus pervia dalla bardigliada. Tenor la comunicaziun ufficala da La Posta Svizra ei la filiala Glion concepida en fuorma d'ina filiala moderna. Amiez il Center Marcau porschi La Posta ses survetschs usitai. Fertun che las postals els vitgs han serrau ei il biro postal a Glion rinforzaus ed adattaus allas novas disas dils consumers. «Nossas atgnas filialas restan el cantun Grischun vinavon ina petga centrala dalla purschida. Ellas envidan da scuvierer ils products e las prestaziuns sco era da seschar cussegliar da maniera cumpetenta», declara Georg Janka, il menader dalla regiun dalla filiala Glion. Cheu realisescha La Posta la tiarza gada siu concept da filialas ella Svizra orientala, ell'entira Svizra eis ei la 13avla filiala ch'ei endrizzada cul niev maletg visual. Ils proxims meins ed onns

vegnan ulteriuras filialas ell'entira Svizra modernisadas e concepidas tenor la nova fuorma visuala.

Era il «falien» mellen da Glion dislochescha, pertgei era la gestiun dalla filiala Surselva dad AutoDaPosta Grischun retuorna puspei silla piazza dalla staziun e pren domicil en novs biros el Center Marcau. Ils 50 manischunzs survegnan ina stanza da pausa moderna ed ils quarter collaboratur dall'administraziun diregian il traffic public culs autos da posta che partan da Glion anora en tuttas direzziuns.

Rodund 1800 passaschiers midan mintga gi sin ina dallas 12 lingias dils autos da posta. Perquei che tuts 12 partan mintgamai il medem mument ha quei liug neuralgic survegniu il surnum «il falien mellen da Glion». El proxim futur vegn il terminal dils autos da posta denton dislocaus. AutoDaPosta Svizra, vischnaunca Ilanz/Glion ed il cantun ein vidlunder da realisar quei project denter il hotel Eden ed ils binaris dalla viafier.

«Il scutinem dallas olmas»

Nova publicaziun da Rico Tambornino cumparida en la Chasa Editura Rumantscha

■ (cp) En la Chasa Editura Rumantscha è cumpari dacurt ina nova publicaziun da Rico Tambornino. L'autur sursilvan dal cudesch «Il scutinem dallas olmas» tracta in schabetg commovent da l'onn 1847. En in chagliom in toc sut la via veglia e mo malamain curvì vi giascha in cadaver uman sternì! Ins ha spert constatà ch'i sa tracta dad ina vaiva da 37 onns en il quart u tschintgavel mais da gravidanza. La segunda part dal cudesch cuntegn raquints e regurdientschas ord l'uffanza da l'autur en la Casa Pajarola a Trun. Ina chasa da trais auzadas, in surchombras misterius e stgirs e profunds tschalers, dasperas in clavà cun uigl e pastrign; ina chasa plain vita, cun blers augs ed anc pli bleras ondas.

«Gie, quei seigi ver, el hagi commess carnal cun Catrina»

Tgeninas consequenzas che quest act carnal ha gi' describa Rico Tambornino en ses nov cudesch «Il scutinem dallas olmas». L'autur sursilvan describa in schabetg commovent da l'onn 1847, cun dialogs e persunas per part inventadas, sa tegn dentant uschè lunsch sco pussaivel vi dals protocols da dretgira ed artitgels publitgads en las gasettas da lez temps. En in commentari explitgescha l'istoricher Martin Camenisch pertge che quest cas ha lura evocà tantas reacziuns. Quest cas è numnadamain l'ultim cas dad in trument a mort en il chantun Grischun, exequi sin il «Kalkofen», datiers dal Rosenhügel a Cuira.

«Urteil» enstagi «Unwetter»

Biblioteca chantunala a Cuira. Rico Tambornino tschertga infurmaziuns tar malauras, pertge el ha in'idea per in'istorgia... En la cartoteca chatta el per cas ina cartulina tar il pled «Urteile» ordinada alfabeticamain falli – quella tira sia entira atenziun, pertge ella describa in artitgel tar in cas da dretgira da l'onn 1847, pertutgant ina persuna da Trun. L'artitgel dal «Freier Rhätier» e pli tard protocols da l'archiv statal e l'istorgia tragica n'han betg laschè ruaus! Uschia pudain nus ussa leger en la part I da ses nov cudesch quest raquint cun il titel «El zuppau dalla riva».

Da Talianers e wildwests


En la segunda part raquinta Tambornino da sia uffanza a Trun. El è creschì si en ina chasa cun trais auzadas, in negozi, in clavà e pastrigns, cun blers augs ed anc pli bleras ondas. Ord quest ravuigl en in ambient plain vita describa l'autur bellas figuras e muments che laschan rir e singluttar mintgin da nus. In grazia fitg a Rico Tambornino per quest ritg stgazi da muments magari intims.

Vernissascha e presentaziuns

La preschentaziun da «Il scutinem dallas olmas» ha lieu gievgia, ils 30 d'avust 2018, 19.30, en la sala da cultura a Trun. Rico Tambornino prelegia, Martín Camenisch explitgescha fatgs istorics. Gieri Maissen (piano) e Christian Barenius (violina) procuran per il rom musical ed Anita Capaul moderescha la sairada cun maisa da cudeschs ed aperitiv.

Sonda, l'emprim da settember 2018, è Rico Tambornino e Martín Camenisch d'udir tar quest cas en il rom da l'occurrenza «Begegnung» sin il Rosenhügel a Cuira a las 10.15 e 15.30.

Rico Tambornino: «Il scutinem dallas olmas», raquint sursilvan, 240 paginas, pretsch 30 francs. ISBN: 978-3-03845-057-3



reclama



Der Fielmann in der Stadt erspart den Preisvergleich.

Fielmann zeigt Ihnen die ganze Welt der Brillenmode – zum garantiert günstigsten Preis. Denn Fielmann bietet Ihnen die **Geld-zurück-Garantie**. Sehen Sie das gleiche Produkt noch 6 Wochen nach Kauf anderswo günstiger, nimmt Fielmann die Ware zurück und erstattet den Kaufpreis.

Moderne Komplettbrille
mit Einstärkengläsern, 3 Jahre Garantie.

47.50 CHF

Sonnenbrille in Ihrer Stärke
Metall oder Kunststoff, Einstärkengläser,
3 Jahre Garantie.

57.50 CHF

www.fielmann.com

fielmann

Brille: Fielmann. Internationale Brillenmode in Riesenauswahl zum garantiert günstigsten Preis. Mehr als 700x in Europa. 40x in der Schweiz. Auch in Ihrer Nähe: **Buchs**, Bahnhofstr. 39, Tel.: 081 750 52 52; **Chur**, Quaderstr. 11, Tel.: 081 257 07 80; **Rapperswil**, Untere Bahnhofstr. 11, Tel.: 055 220 13 60. Mehr unter **www.fielmann.com**